

20151935325

L I G J
PËR NDRYSHIMIN DHE PLOTESIMIN E LIGJIT PËR VENDOSJE TË SISTEMIT
PËR MENAXHIM ME CILËSI DHE KORNIZËS SË PËRBASHKËT PËR VLERËSIM
TË PUNËS DHE DHËNIES SË SHËRBIMEVE NË SHËRBIMIN SHTETËROR

Neni 1

Në Ligjin për vendosje të sistemit për menaxhim me cilësi dhe kornizës së përbashkët për vlerësim të punës dhe dhënies së shërbimeve në shërbimin shtetëror ("Gazeta Zyrtare e Republikës së Maqedonisë" numër 69/13), në nenin 12 në paragrafin 1 fjalët: "1.500 deri 8.000 zëvendësohen me fjalët: "2.000 deri 4.000".

Në paragrafin 2 fjalët: "750 deri 4.000" zëvendësohen me fjalët: "1.500 deri 3.000".

Paragrafët (3) dhe (4) shlyhen.

Neni 2

Pas nenit 12 shtohen dy nene të reja 12-a dhe 12-b, si vijon:

"Neni 12-a

"Për kundërvajtjet e përcaktuara në nenet 12, të këtij ligji, inspektori administrativ është i obliguar kryerësit të kundërvajtjes t'i lëshojë urdhërpagese kundërvajtëse në pajtim me Ligjin për kundërvajtje.

Inspektori administrativ është i obliguar të mbajë evidencë për urdhërpagesat e lëshuara kundërvajtëse dhe për rezultatin e procedurave të ngritura.

Në evidencën nga paragrafi (2) i këtij neni grumbullohen, përpunohen dhe ruhen të dhënat në vijim: emri dhe mbiemri, respektivisht emërtimi i kryerësit të kundërvajtjes, vendbanimi, respektivisht vendqëndrimi, selia, lloji i kundërvajtjes, numri i urdhërpagesës kundërvajtëse dhe rezultati i procedurës.

Të dhënat personale nga paragrafi (3) i këtij neni ruhen pesë vite nga dita e futjes në evidencë.

Formën dhe përmbajtjen e urdhërpagesës kundërvajtëse i përcakton Ministri për Shoqëri Informatike dhe Administratë.

Neni 12-b

Për kundërvajtjet e përcaktuara me këtë ligj, procedura kundërvajtëse mban dhe sanksion kundërvajtës shqipton gjykata kompetente."

Neni 3

Akti nënligjor i përcaktuar me këtë ligj do të miratohet në afat prej 30 ditësh nga dita e hyrjes në fuqi të këtij ligji.

Neni 4

Ky ligj hyn në fuqi në ditën e tetë nga dita e botimit në "Gazetën Zyrtare të Republikës së Maqedonisë".